
PWYLLGOR PENODI PRIF SWYDDOGION 11-10-22

Presenoldeb: Is-gadeirydd Cyng Menna Jones

Cynghorwyr: Annwen Hughes, Medwyn Hughes, Nia Jeffreys, Eryl Jones-Williams, Cai Larsen, Beth Lawton, Anne Lloyd-Jones, Gwynfor Owen, Angela Russell, Dyfrig Siencyn, Ioan Thomas a Rob Triggs

Swyddogion: Dafydd Gibbard (Prif Weithredwr), Eurig Williams (Rheolwr Gwasanaethau Ymgynghorol Adnoddau Dynol) a Lowri Haf Evans (Swyddog Gwasanaethau Democratiaeth)

1. YMDDIHEURIADAU

Derbyniwyd ymddiheuriadau gan y Cynghorydd gan y Cynghorydd Dafydd Meurig, y Cynghorydd June Jones a'r Cynghorydd Elwyn Jones (Cadeirydd y Cyngor)

2. DATGAN BUDDIANT PERSONOL

Ni dderbyniwyd unrhyw ddatganiadau o fuddiant personol.

3. MATERION BRYG

Dim i'w nodi

4. COFNODION Y CYFARFOD DIWETHAF

Llofnododd y Cadeirydd gofnodion cyfarfod o'r pwyllgor hwn a gynhaliwyd 28ain Gorffennaf 2022 fel rhai cywir

5. CAU ALLAN Y WASG A'R CYHOEDD

PENDERFYNWYD cau'r wasg a'r cyhoedd allan o'r cyfarfod yn ystod y drafodaeth ar yr eitem ganlynol gan ei fod yn debygol y datgelir gwybodaeth eithriedig fel y'i diffinnir ym mharagraff 12, Rhan 4, Atodiad 12A, Deddf Llywodraeth Leol 1972. Mae'r paragraff yma yn berthnasol oherwydd bod yr adroddiad yn cynnwys gwybodaeth am unigolion penodol sydd â hawl i breifatrwydd. Nid oes unrhyw fudd cyhoeddus sydd yn galw am ddatgelu gwybodaeth bersonol am yr unigolion yma. O ganlyniad mae'r budd cyhoeddus yn disgyn o blaid cadw'r wybodaeth yn eithriedig.

6. CWBLHAU CAM OLAF YR ADOLYGIAD STRWYTHUR UWCH REOLAETHOL

Yn dilyn cais gan yr Aelodau mewn cyfarfod o'r Pwyllgor Penodi a gynhaliwyd Chwefror 11eg 2020, cyflwynodd y Prif Weithredwr adroddiad oedd yn cynnwys casgliadau o'r adolygiad a wnaed gan y cyn Brif Weithredwr o gyflogau Prif Swyddogion (a gyflwynwyd i Bwyllgor Chwefror 11eg 2021) a diweddariad o'r sefyllfa bresennol.

Yn ei gyflwyniad amlygodd y Prif Weithredwr bod y Cabinet, mewn cyfarfod a gynhaliwyd Mehefin 28ain 2022, wedi mabwysiadu argymhellion i ail ddyrannu cyfrifoldebau sawl Pennaeth Adran yn dilyn adolygiad o strwythur uwch reolaethol y Cyngor ynghyd a diddymu swydd un Pennaeth o'r strwythur. Adroddwyd hefyd bod llwyddiant mewn penodi dau gyfarwyddwr a phennaeth cyllid diweddar wedi profi nad oedd lefel cyflog yn rhwystr rhag gallu denu ymgeiswyr mewnol ac allanol o safon uchel

Yn dilyn trafodaeth,

PENDERFYNWYD:

- 1. Argymell i'r Cyngor Llawn y dylid diwygio Polisi Datganiad Tâl y Cyngor ar gyfer y flwyddyn ariannol 2023/24 i adlewyrchu casgliadau terfynol yr adolygiad o gyflogau Prif Swyddogion a gynhaliwyd ar gais y Pwyllgor yn 2021.**
- 2. Nodi fod hyn yn cwblhau cam olaf adolygiad y Prif Weithredwr o strwythur Uwch Reolaethol y Cyngor a thrwy hynny yn arwain at gyflawni arbediad refeniw parhaol o £44,930 y flwyddyn.**

7. LLUNIO RHESTR FER AR GYFER PENODI PENNAETH ADRAN CEFNOGAETH GORFFORAETHOL

Adroddodd y Prif Weithredwr bod 5 cais wedi ei derbyn am y swydd ac fe gyflwynodd grynodedeb o'r ceisiadau.

Trafodwyd y ceisiadau yn unol â gofynion y swyddi gan ganolbwyntio ar y prif gymwyseddau. Mynegwyd siom nad oedd cais wedi ei gyflwyno gan ferch a bod angen adolygu'r broses hysbysu i geisio denu mwy o ddiddordeb ac annog marchod i geisio.

PENDERFYNWYD

- RHOI TRI YMGEISYDD AR Y RHESTR FER AR GYFER PENODI PENNAETH ADRAN CEFNOGAETH GORFFORAETHOL**

Wrth ymhelaethu ar y camau nesaf, amlygodd Eurig Williams (Rheolwr Gwasanaethau Ymgynghorol Adnoddau Dynol) y byddai Canolfan Asesu gyda chefnogaeth cwmni allanol yn cael ei gynnal 24ain o Hydref 2022 ynghyd a threfniadau asesu mewnol o dan arweiniad y Prif Weithredwr. Bydd adroddiad ffurfiol o ymatebion yr ymgeiswyr ac adborth o'r perfformiad yn cael ei ddarparu gan y Ganolfan Asesu a'r Prif Weithredwr i'w gyflwyno ar lafar i'r Pwyllgor Penodi Prif Swyddogion ar ddiwrnod y cyfweiliadau.

Trafodwyd pum cwestiwn a thestun cyflwyniad priodol ar gyfer y cyfweiliadau sydd i'w cynnal 28 Hydref 2022. Bydd y cyfweiliadau yn cael eu cynnal ar ffurf hybrid gan roi dewis i'r ymgeiswyr, Aelodau Pwyllgor a'r swyddogion fynychu wyneb yn wyneb neu yn rhithiol.

Dechreuodd y cyfarfod am 2:00pm a daeth i ben am 3:00pm